

**UGOVOR**  
Zaključen dana 15.12.2008. u Sarajevu

**UGOVORNE STRANE:**

1. Javno preduzeće BH Pošta d.o.o. Sarajevo, Centar pošta Sarajevo, Zmaja od Bosne br.88, 71000 Sarajevo (u daljem tekstu: davalac usluga) koga zastupa upravnik Tucak Džemo, dipl.ing.saob. Identifikacioni broj: 4200682210021  
Subjektat registrovan u Kantonalnom sudu u Sarajevu  
Matični registarski broj: 1-23390-04 broj Rješenja UF-I 2439/04  
Porezni broj: 0170863800, ID broj za PDV:200682210005  
Transakcioni račun: 3389002208752866 UniCredit Bank

I

2. JU MJEŠOVITA SREDNJA GRAĐEVINSKO-GEODETSKA ŠKOLA , Franca Lehara br. 5 , 71000 Sarajevo (u daljem tekstu: Korisnik usluga) kojeg zastupa Jasminko Huseinčehajić  
Identifikacioni broj: 4200249840002  
ID broj za PDV: ///////////////  
Subjektat registrovan u Višem sudu u Sarajevu  
Matični registarski broj: 20217138 broj Rješenja: UF/I-676/95  
Porezni broj:0174310  
Transakcioni račun: Trezor Kantona Sarajevo

**PREDMET UGOVORA: Prijem, prijenos i uručenje pismonosnih i paketskih pošiljaka, pružanje posebnih poštanskih usluga i plaćanje naknade za ove usluge**

**ČLAN 1.**

Davalac usluga se obavezuje da će za potrebe Korisnika usluga vršiti usluge prijema, prijenosa i uručenja poštanskih pošiljaka i pružati posebne poštanske usluge u unutrašnjem i međunarodnom poštanskom prometu;

Davalac usluga će usluge prijema, prijenosa i uručenja poštanskih pošiljaka, za koje pošiljalac zahtjeva posebne poštanske usluge vršiti u skladu sa važećim propisima kojima se reguliše pružanje usluga u unutrašnjem i međunarodnom poštanskom saobraćaju, i propisima odredišnih poštanskih uprava, s tim da će posebnu uslugu rukovanja otkupnom pošiljkom vršiti isključivo u unutrašnjem poštanskom prometu i to:

- preporučeni i pošiljaka sa označenom vrijednošću koje glase za primaoca na području Federacije Bosne i Hercegovine;
- isključivo pošiljaka sa označenom vrijednošću na području Republike Srpske;

**ČLAN 2.**

Korisnik usluga je saglasan da za pošiljke koje preda na otpremu u periodu kada se na osnovu akata nadležnih organa vrši naplata doplatnih maraka (Međunarodni dan i nedjelja Crvenog križa, Nedjelja borbe protiv tuberkuloze, Dječija nedjelja i sl.), plati cijenu za doplatnu marku, a prema fakturi ispostavljenoj od strane davaoca usluga.

**ČLAN 3.**

Davalac usluga se obavezuje da će:

- poštanske pošiljke koje su predmet ovog Ugovora primati uz uvjete i na način određen Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07);
- poštanske pošiljke koje su predmet ovog Ugovora primati u pošti 71122 Sarajevo, radnim danom, osim nedjelje i praznika, u periodu od 07:00 do 19:00 sati, po obrazcu P-3 (Prijemna knjiga) popunjenom prema štampanom tekstu obrasca i ovjerenom od strane pošiljaoca u tri primjerka;
- da će korisnika usluga redovno snabdijevati sa preporučnim, vrijednosnim i paketskim, a po potrebi i sa ostalim naljepnicama za označavanje posebnih poštanskih usluga;



- da će poštanske pošiljke koje su predmet ovog Ugovora uručiti primaocima na način i u rokovima kak je to određeno Zakonom o poštanskom prometu Federacije Bosne i Hercegovine i Pravilnikom o općim uvjetima za pružanje poštanskih usluga;
- da će poštanske pošiljke koje su predmet ovog Ugovora, koje imaju naznačenu adresu primaoca, a koj nije bilo moguće uručiti, vratiti korisniku usluga sa naznačenim razlogom vraćanja za svaku pošiljku pojedinačno, te obračunati povratnu poštarinu za paketske pošiljke, vrijednosna pisma i poštanske pošiljke za koje je zahtjevana posebna usluga rukovanja otkupnom pošiljkom;
- da će za izvršene usluge koje su predmet ovog ugovora izvršiti obračun poštarine prema važećem Cjenovniku poštanskih usluga JP BH Pošta d.o.o. Sarajevo i dostaviti fakturu u zakonskom roku.

#### ČLAN 4.

Korisnik usluga se obavezuje da će:

- poštanske pošiljke koje su predmet ovog Ugovora predavati uz uvjete i na način određen Zakonom o poštanskom prometu Federacije Bosne i Hercegovine i Pravilnikom o općim uvjetima za pružanje poštanskih usluga, uz obavezu da odabere onu vrstu propisane usluge koja odgovara sadržaju, stvarnoj vrijednosti i značenju pošiljke ili saopštenju korisnika.
- u pogledu sadržaja, pakovanja, adresiranja i zatvaranja poštanskih pošiljaka iz člana 1. ovog Ugovora koje predaje na otpremu, pridržavati se uvjeta definisanih Zakonom o poštanskom prometu Federacije Bosne i Hercegovine i Pravilnikom o općim uvjetima za pružanje poštanskih usluga;
- poštanske pošiljke koje su predmet ovog Ugovora predavati na otpremu u pošti 71122 Sarajevo, radnim danom, osim nedjelje i praznika, u periodu od 07:00 do 19:00 sati, po obrascu P-3 (Prijemna knjiga) popunjenom u tri primjerka, a novine i časopise po obrascu P-1 (List predaje novina i časopisa) popunjenom u tri primjerka, i to tako što će upisati:
  - ukupan broj običnih poštanskih pošiljaka koje predaje na otpremu;
  - svaku knjiženu pošiljku pojedinačno, prema štampanom tekstu obrasca,
- u gornjem desnom uglu pošiljaka iz člana 1. ovog Ugovora za unutrašnji poštanski promet staviti oznaku "Poštarina plaćena kod pošte 71122 Sarajevo", a u lijevom gornjem uglu odštampati, odnosno napisati naziv i adresu pošiljaoca;
- u gornjem desnom uglu pošiljaka iz člana 1 ovog Ugovora za međunarodni poštanski promet staviti oznaku "PORT PAYE", a u lijevom gornjem uglu odštampati, odnosno napisati, naziv i adresu pošiljaoca;
- na poštanskim pošiljkama, za koje zahtjeva posebne poštanske usluge, lijepiti naljepnice za označavanje posebnih poštanskih usluga, a da će preporučne, vrijednosne i paketske naljepnice lijepiti na poštanske pošiljke prema redoslijedu prijemnih brojeva;
- poštanske pošiljke mase preko 20 grama, te sve pošiljke čiji sadržaj nije isključivo pisano saopštenje, koje glase za primaoca u međunarodnom poštanskom prometu, predavati otvorene, kao i da će sve pošiljke koje podliježu carinskom pregledu predavati samo kao preporučeno pismo, vrijednosno pismo paket, uz priložene potrebne obrasce;
- prilikom predaje tiskovina davaocu usluga dostaviti na uvid jedan primjerak pošiljke, te garantovati da sadržaj pošiljaka koje predaje na otpremu identičan primjerku koji je dostavio na uvid.
- poštanske pošiljke koje su predmet ovog Ugovora, za koje se zahtjeva posebnu uslugu rukovanja otkupnom pošiljkom, predavati na otpremu isključivo za primaoca u unutrašnjem poštanskom prometu to:
  - za primaoca na području Federacije Bosne i Hercegovine kao preporučene ili pošiljke označenom vrijednošću;
  - za primaoca na području Republike Srpske isključivo kao pošiljke sa označenom vrijednošću.

#### ČLAN 5.

Korisnik usluga se obavezuje da za izvršene usluge koje su predmet ovog ugovora davaocu usluga plati:

- poštarinu za prijem, prijenos i uručenje pošiljaka, prema Cjenovniku poštanskih usluga JP BH Pošta d.o.o. Sarajevo važećem na dan predaje pošiljaka na otpremu, a u zavisnosti od mase poštanske



pošiljke i korištenja posebnih poštanskih usluga, odnosno označene vrijednosti paketa, mase paketa, udaljenosti odredišta i korištenja posebnih usluga;

- povratnu poštarinu prema važećem Cjenovniku poštanskih usluga JP BH Pošta d.o.o. Sarajevo, shodno Članu 3. stav 5. ovog Ugovora, za sve neuručene paketske pošiljke, vrijednosna pisma i poštanske pošiljke za koje je zahtjevana posebna usluga rukovanja otkupnom pošiljkom;
- cijenu za doplatnu marku za pošiljke koje su, shodno Članu 2. ovog Ugovora, predate na otpremu u periodu kada se na osnovu akata nadležnih organa vrši naplata doplatnih maraka.

#### ČLAN 6.

Ugovorne strane su saglasne da posljednji dan u mjesecu bude dan za obračun usluge za tekući mjesec.

Korisnik usluga je obavezan plaćanje usluga iz člana 1. ovog Ugovora izvršiti u roku od 8 (osam) dana od dana prijema fakture.

Ukoliko korisnik usluga ne izvrši svoje obaveze iz stava 2. ovog člana plaća zateznu kamatu po stopi utvrđenoj zakonom.

#### ČLAN 7.

Ovaj Ugovor se zaključuje na neodređeno vrijeme, a primjenjivat će se počev od 01.01.2008 godine.

Stupanjem na snagu ovog Ugovora, van snage se stavlja Ugovor broj: 138/03 od 25.09.2003. godine, zaključen između korisnika JU Mješovita srednja građevinsko-geodetska škola i JP BH Pošta d.o.o. Sarajevo, Centar pošta Sarajevo.

Ugovorne strane mogu ovaj Ugovor raskinuti na osnovu pismenog zahtjeva jedne od ugovornih strana, s tim da je otkazni rok 15 (petnaest) dana od dana podnošenja pisanog zahtjeva za raskid Ugovora.

O svim izmjenama koje su relevantne za izvršenje ovog Ugovora (promjena adrese, preregistracija firme itd.) Korisnik usluga je obavezan izvjestiti Službu za poštansku eksploataciju u Centru pošta Sarajevo.

#### ČLAN 8.

Ugovorne strane će sve sporove koji eventualno proisteknu iz ovog Ugovora rješavati dogovorom, u suprotnom nadležan je Sud u Sarajevu.

#### ČLAN 9.

Ovaj Ugovor zaključen je u 4 (četiri) istovjetna primjeraka, od kojih za svoje potrebe 2 (dva) primjerka zadržava davalac usluga, a 2 (dva) primjerka korisnik usluga.

ZA KORISNIKA USLUGA

BMaj; 02-1994  
dana: 15.12.2008



ZA DAVAOCA USLUGA

Džemo Tucak, dipl.ing.saob.



17-12-2008

Broj ugovora 223/08